



AHMAD Faizal Abd. Rashid (kiri) menunjukkan lokasi yang sering menjadi tempat kegiatan menangkap ikan warga asing di Sungai Sepetang di Bagan Serai, Perak. - UTUSAN/WAT KAMAL ABAS

Warga asing guna pukot haram, nelayan terancam

UM 10/01/2024 M15 32

BAGAN SERAI: Berpuluh nelayan darat di Pangkalan Lubuk Buntar, Simpang Empat Semanggol di sini terjejas pendapatan berikutan kegiatan pukot sorong dan pukot apollo yang dipercayai dilakukan warga asing dari Kuala Sepetang.

Kumpulan nelayan itu mendakwa, kegiatan tersebut merosakkan ekosistem dan sumber perikanan di perairan tersebut dan didapati semakin berleluasa.

Nelayan tempatan juga mendakwa menerima anca-

man secara lisan daripada warga asing yang mengendalikan bot pukot tersebut ketika cuba menegur perbuatan mereka menggunakan pukot sorong dan pukot apollo.

Bercakap kepada *Utusan Malaysia*, seorang nelayan, Mohd Azmi Nordin, 33, berkata, kegiatan itu bukan isu baharu, malah sudah lama dibangkitkan nelayan kepada pihak berkenaan.

Menurutnya, memang ada tindakan daripada agensi penguat kuasa berkaitan yang

melakukan pemantauan, namun masih tidak mampu mengekang kegiatan itu.

“Sejak kebelakangan ini, kegiatan warga asing menggunakan pukot sorong dan pukot apollo di kawasan ini semakin berleluasa, mereka tidak takut kepada pihak penguat kuasa,” katanya.

Sementara itu, Ketua Jaringan Perikanan (KJP) Kuala Kurau, Ahmad Faizal Abd Rashid berharap agensi yang berkenaan menjalankan operasi pemantauan lebih kerap.